

სქმნძი

2021 წელი
27
ივლისი
სამშაბათი
№9 (7530)

ხონის მუნიციპალიტეტის თვითმმართველობის გაზეთი

გაზეთი გამოდის 1932 წლის 5 იანვრიდან

გულწრფელი მადლობა



მთელი ჩემი ცხოვრება სკოლასა და მოსწავლეს უკავშირდება. ათეული წლებია ისინი ავსებენ იმ ულამაზეს სამყაროს, რომელსაც მასწავლებლობა ჰქვია. ბედისწერის თვალთვლით, რომელსაც ცხოვრება ჰქვია, ყველას

თავის ადგილსა და როლს სთავაზობს. ბედნიერია ის ადამიანი, რომელიც თავის ადგილს და საუკეთესო როლს სწორად შეარჩევს, მის შესასრულებლად არაფერს დაიმურებს და უანგაროდ დაიხარვება...

ვფიქრობ, რომ ამ მხრივ ძალიან გამიმართლა... მასწავლებლობა ჩემი ცხოვრების ერთადერთი, განუყოფელი და შეუდარებელი როლი იყო და არის, რომლის ღირსეულად შესრულებასაც მთელი ჩემი სიცოცხლე ვემსახურე.

ღირსეულად გავლილი ცხოვრების გზა სიცოცხლისა და არსებობის გვირგვინია. ჩემი ცხოვრების ყველაზე დიდ გვირგვინად კი იქცა დამსახურებული მასწავლებლის ნოდების მონიჭება. უჩვეულო იყო მოულოდნელი სიხარულის

განცდა, დაუეინყარი დღის ვახსენებაც კი მიჭირს, იმდენად დიდი იყო ემოცია...

თითქმის ნახევარი საუკუნის მოვონებები ვაცოცხლდა იმ რამდენიმე წუთში. სევდიანი ღიმილით მოვიხედე უკან, გასაუფლად რა ვრძელი და ძნელია ცხოვრების გზა, გასახსენებლად კი რა მოკლე... გამახსენდა მასწავლებლობის პირველი დღე, რა სიხარულით მივდიოდით მამა-შვილი მშობლიური სკოლისაკენ, გზა მასწავლებლობიდან დირექტორობამდე ჯერ ხონის მე-2 საჯარო, შემდეგ კი მესამე საჯარო სკოლაში. წარსული მართო სინანულისა და მონატრების განცდები როდია... ვაცოცხლდა ბევრი ტკბილ-მწარე მოგონება, სიხარული, ტკივილი...

წარსულში ხანდახან მომავალს ეძებენ. ჩემს ნავალ გზას ჩემთან

ერთად მოპყვება თაობები და აახალგაზრდადებს. მათთვის არასოდეს დამიკლია გულის სითბო და ცოდნის მადლი, სიყვარულით, პასუხისმგებლობითა და უანგაროდ მიშრომია, რომ ჩემი წვლილი შემეტანა მომავალი თაობის სწავლა-აღზრდის საქმეში.

ემსახურო საქართველოს მომავალს ამაზე დიდი ბედნიერება რა უნდა იყოს მასწავლებლისათვის! ჩემი აღიარება თქვენ გეკუთვნით ჩემო აღზრდილებო, ჩემო მოსწავლეებო, კოლეგებო, მეგობრებო, რადგან თქვენთან ერთად ვამიყვანა ცხოვრების აღმართ-დაღმართები...

მადლობა იმ ადამიანებს, ვინც ასე შეაფასა ჩემი საქმიანობა, ჩემი მოკრძალებული წვლილი.

მადლობა საქართველოს განათლებისა და მეცნიერების სა-

მინისტროს, ხონის საგანმანათლებლო რესურს ცენტრის ხელმძღვანელს-ქალბატონ ჯულიეტა ქობალიას, ხონის ღირსეულ მერს ბატონ ლადო ჯურხაძეს, ხონის მესამე საჯარო სკოლის დირექტორს-ქალბატონ ვერიკო ბენიძეს.

მადლობა სურნელოვანი თაიგულით შეკრულ ლამაზ, ერთიან, მეგობრულ, პატარა, მაგრამ დიდი გულის მქონე ხონის მესამე საჯარო სკოლას, ჩემი სულისა და საქმიანობის ბოლო ნაფასეულს... თქვენთან ურთიერთობა მითბობს მოახლოებული ზამთრის სუსხს, ცხოვრებას მიგაზაფხულებს და ფერადოვანს ხდის...

გულწრფელი მადლობა ყველას, ვინც გულთბილი სიტყვებით მომილოცა და ჩემი სიხარული გაიზიარა.

მერა ხმუპა, საქართველოს დამსახურებული მასწავლებელი

გაიმართა დებატები



ადგილობრივ დონეზე საჯარო მმართველობის რეფორმის ჯეროვანი განხორციელების ხელშესანწყობად და ასევე გამჭვირვალე, ეფექტიანი, ანგარიშვალდებული და ინკლუზიური ადგილობრივი მმართველის უზრუნველსაყოფად, კულტურულ-პუმანიტარული ფონდი „სოხუმი“ შეწარმოვს ქალთა ფონდთან და იმერეთის მხარის მეცნიერთა კავშირ „სპექტრთან“ პარტნიორობით, ევროკავშირის მხარდაჭერით ახორციელებს პროექტს „გურიის, იმერეთისა და რაჭა-ლეჩხუმის სამოქალაქო საზოგადოების ორგანიზაციების საერთო ფორუმი საჯარო მმართველობის რეფორმის საგზაო რუკის მონიტორინგის მიზნით“.

პროექტის მიზანია დასავლეთ საქართველოს - იმერეთის, რაჭა-ლეჩხუმისა და გურიის 8 მუნიცი-

პალიტეტში სამოქალაქო საზოგადოების ორგანიზაციების ფორუმის („ფორუმი“) შექმნისა და გაძლიერების გზით, მათი აქტიური ჩართვა ადგილობრივ თვითმმართველობებში საჯარო მმართველობის რეფორმის განხორციელების მონიტორინგის პროცესში.

ამასთან დაკავშირებით ამ დღეებში ხონის მუნიციპალიტეტის საკრებულოს სააქტო დარბაზში გაიმართა დებატები.



საქიროებათა კვლევის შედეგების, სამოქალაქო ბიუჯეტირების, ანტიკორუფციული ღონისძიებებისა და სს ორგანიზაციების მუშაობის შესახებ ისაუბრეს გამომსვლელებმა ნინო ჭაბუკიანი, ნარმომადგენლები ამირან გვიგნიშვილი და მზევინარ ლიპარტიელიანი, რომლებმაც საკუთარი წარმატებული პრაქტიკის მაგალითები გავეზიარეს.

დასასრულს გაიმართა დისკუსია, დებატ-რეკომენდაციები.

ელისო ჯიქიაშვილი, ბაჩანა ბასილაიამ...

ხონის მუნიციპალიტეტის მერმა ლადო ჯურხაძემ ისაუბრა ცხელი ხაზის, ვებგვერდისა და პეტიციის ეფექტურობაზე, ხონის მუნიციპალიტეტის ღია მმართველობისა და გამჭვირვალეობის ეროვნულ პროგრამაში განვირინებასა და არასამთავრობო სექტორთან ერთად მიღწეულ სხვა შედეგებზე...

დებატებს სტუმრის სტატუსით ესწრებოდნენ ლანჩხუთისა და ცაგერის მუნიციპალიტეტების

შეხვედრა მოსახლეობასთან

ხონის მუნიციპალიტეტის სოფელ პატარა ჯიხაში, ადგილობრივი ხელისუფლების წარმომადგენლები და სოფლის განვითარების სააგენტოს რეგიონებთან



ურთიერთობის დეპარტამენტის უფროსი ლაშა შალამბერიძე ადგილობრივებს შეხვდნენ.

შეხვედრაზე მოსახლეობას ინფორმაცია მიწოდდა სააგენტოს პროექტების შესახებ, მოხდა საიტის my.mepa.gov.ge-ს პრეზენტაცია და ადგილობრივების პრობლემების იდენტიფიცირება.

მოსახლეობას ესაუბრა ქალაქის მერი ლადო ჯურხა-

ძე, სოფლის რწმუნებული ზურაბ მიქაძე, იყო კითხვა-პასუხები, ინფორმაციათა გაცვლა-გამოცვლა და სამომავლო გეგმებზე სოფლის მცხოვრებთა ინტერესის გაზიარება-გათვალისწინება.

ითქვა, რომ სააგენტოს მიერ მიწოდებული ახალი პროექტები სოფლებისათვის ნამდვილად სასიცოცხლოდ საჭიროა, თუმცა, განხილვის რეჟიმში, შეჯერების პროცესში მოხდება გაზიარება და შესაბამისად ადგილობრივი მოსახლეობის პრობლემების იდენტიფიცირება.

მსგავსი შეხვედრები მოსახლეობასთან გრძელდება.



არსებობენ ასეთი ადამიანები

წერილი რედაქციას

პანდემიამ ადამიანები კიდევ უფრო დააშორა ერთმანეთს. ისედაც ვაცხვებული ურთიერთობები, ახლა სულ გაქრა. ადამიანები ცხვირს იქეთ ვერ იხედებიან. სხვისი ქირი, ლობეს წიხრიო...

თუმცა, ბედნიერებაა, რომ ადამიანობა შერჩენილი, კეთილშობილი, პომოსა-პიენსის შთამომავალი ისევ არსებობენ და სხვებისთვისაც ცოცხლობენ, ცხოვრობენ, უჭირთ, მაგრამ მათზე შეტად გა-

ჭირვებულს მაინც ეხმარებიან. ასე იყო იმ დილით აფთიაქში შესულ, ორ ხელჯოხზე დამდგარ, დაუძლეურებულ ბებოს ქოქოლა რომ დააყარეს რიგში მდგომმა ქალ-კაცმა - „ფული თუ არ გქონდა, ამდენ ხანს რიგს რას იკავებდიო“... „არ მეგონა ამდენი თუ ეღირებოდაო“, - წყნარად თქვა ბებომ და კარისაკენ გაემართა. ახალგაზრდა ვაჟმა აფთიაქის ფული გადაანოდა და თხოვა -

ბებოს ყველა წამალი ჩაულავგო. მერე მოხუცს დაენია და გადასცა...

უჭირს ხალხს ყოველკვირეულად გაძვირებული მედიკამენტების შეძენა. განზილვებული მოსახლეობა აფთიაქებზე იყრის ჯაერს. არადა, მართლა რა მათი ბრალია?! სხვადასხვა ქვეყნებიდან სხვადასხვა კომპანიების მიერ შემოტანილ ერთსა და იმავე მედიკამენტს სხვადასხვა აფთიაქში სხვადასხვა ფასი აქვს. და ეს მხოლოდ ვასაკ-

ვირი როდია!!!

თუმცა, მეგობრებო, ჩვენს საუბარს რა აზრი აქვს! ნეტავ კი შეეძლოს გაზეთს ამ პრობლემის მოგვარება... მაგრამ ბრძოლას ყოველთვის აქვს აზრი! ეიბრძოლოთ ერთად!.. ცხოვრებული კახი კავსაძისა არ იყოს, გვეშველება რამე? ვენიალური მსახიობი იმედით წავიდა - გვეშველებაო. ამის! გვეშველოს!

მარიტა ლოლოზაიძე

ხელოვნებას სამღვრები არა აქვს...



„ნიქს ზრდა, წერთა, გახსნა და ვაშლა უნდა“.
ილია ჭავჭავაძე

ხელოვნების ნიჭი თანდაყოლილია, თუმცა აღმოჩენა ჭირდება, ის ერთ-ერთი აღმატებული გრძობაა, როცა სიცოცხლეს აძლევ რაიმე ორიგინალურს და მთელ სამყაროს გინდა რომ გაუზიარო. ხელოვნება საყოველთაოა, მას არც დრო, საზღვრები, ენა, ეროვნება, სქესი გააჩნია - ის უდიდესი ემოციის ძალით გადაეცემა ერთიდან მეორეს. ხელოვანი ადამიანები უსაზღვრო ფანტაზიის უნარით გამოირჩევიან და სამყაროსადმი განსაკუთრებული დამოკიდებულება აქვთ. ჭეშმარიტი ხელოვნება ადამიანის ინტელექტს ამაღლებს, სულიერად ასაზრდოებს, ცხოვრების განუყოფელი ნაწილია...

სწორედ, რომ ცხოვრების განუყოფელი ნაწილია ედუარდ გეგუჩაძისთვის ხელოვნება, მისი სულიერი მოთხოვნისაა უფრო და უფრო მეტი შექმნას, გაზარდოს, აღზარდოს, ხელოვნების უკვდავებას აზიაროს დიდი თუ პატარა, თავადაც ნიჭიერი, მოუხედავად ათასგვარი დაბრკოლებისა, გამოწვევების არასდროს შეუშინებია, პირიქით, ყოველთვის სიახლეების, უკეთესობის, წინსვლის, წარმატების ძიებაშია. ედუარდს ბევრი უშროშია, ბევრი დაბრკოლებაც გადაულახავს, მაგრამ ხელოვნების სიყვარულს გაუმარჯვია... სწორედ ერთ-ერთი მისი დამსახურებაა ჯერ კიდევ 2013 წლის 3 იანვარს საბავშვო სტუდიის „ოქროს ხმები“-ს დაარსება, სტუდიისა, რომელმაც ყველაზე რთულ პერიოდში, ყველა წესის დაცვით გრანდიოზული კონცერტები გამართა ღია ცის ქვეშ, სტუდიისა, რომელმაც პანდემიის პერიოდში ფუნქციონირების შეფერხებისა ან გაჩერების ნაცვლად გაზარდა მოსწავლეების რაოდენობა და განაგრძო მუშაობა ახალი, განუმეორებელი, შთაბეჭდილებით პროექტების განსახორციელებლად. სწორედ ერთ-ერთი დიდი წარმატების საფუძველი

გახდა ახალგაზრდა შემოქმედის ნუკრი კარკაძის მიერ სტუდია „ოქროს ხმებისთვის“ საწარმოებლად გადაცემული 30-მდე ახალი სიმღერა, რომელთა შესწავლა დაულაღვი შრომით online რეჟიმში მიმდინარეობდა და 2020 წლის 26 აგვისტოს გრანდიოზული შემოქმედებითი საღამოს გამართვით დაგვირგვინდა, არაჩვეულებრივია „ქართული ანბანი“ სიმღერით, რომლის მოსმენისას სულიერი სიმშვიდეს იგრძნობთ, იგრძნობთ ქართული ანბანისა და მუსიკის ჯადოსნურ შერწყმას. ედუარდის მოსწავლეები ყოველთვის აღნიშნავენ მასწავლებლის შემართების, საქმისადმი სიყვარულის, უსაზღვრო ენერჯის, ახლის ძიების უპრეტი მისწრაფების შესახებ, მისი მეგობრული დამოკიდებულების, თანადგომის, მოტივაციის, ინტერესის, შთაგონების ხელოვნების ფლობის შესახებ. სულ ცოტა ხნის წინ ფესტივალ „იმერეთის ხმის“ გამარჯვებულნი გახლდათ სტუდია „ოქროს ხმების“ აღზრდილი ლიზი შვანგირაძე, რომლის შესრულებამ მოაჯადოვა ფორის წევრები.

დაე, უთვალავი წარმატება გქონოდეთ ედუარდ შენს მოსწავლეებთან, შენს პატარა თუ დიდ მეგობრებთან ერთად, კიდევ მრავალჯერ გესახელებინოთ შენთვის ფასდაუდებელი ხონი და ხონელები.

ყველა წარმატებასთან ერთად გილოცავთ იმ დიდ სიხარულს, რასაც ნამდვილი, ჭეშმარიტი ქართული ოჯახის შექმნა პქვია, გებედნიეროთ და უთვალავი წარმატებით გეხაროთ!

„კავკასია 2021“

დავით ლალანიძე - ვინ არ იცნობს, თავის საქმეზე უზომოდ შეყვარებულ ახალგაზრდას.



საქართველოს ქორეოგრაფიის ამაგდარისა და ბრწყინვალეების ორდენების კავალური, ქართული ქორეოგრაფიის დესპანის საპატიო ნოდების კავალური ჯერ კიდევ 2002 წელს არსებს ხონის ბავშვთა სანიმუ-

შო სახალხო ანსამბლ „იმედს“. პროფესიის სიყვარულით გაჯერებული, მოუხედავად სირთულეებისა დაულაღვი შრომობს ანსამბლის წევრებთან ერთად და 2007 წლიდან იწყება წარმატებებისა და აღიარების ბრწყინვალე წლები, ქთბილისში ფილარმონიის დიდ საკონცერტო დარბაზში რესპუბლიკურ ფესტივალ „ბრავო“-ზე ხონის ანსამბლი „იმედი“ ოქროს მედლების, ლაურეატობის ნოდებისა და პირველი ადგილის ღირსეული გამარჯვებული ხდება, 2008 წელს ქალაქ თბილისში ოპერისა და ბალეტის დიდ საკონცერტო დარბაზში სატელევიზიო ფესტივალის „მართვე“-ს წარმატებული მონაწილე ხდება ანსამბლი „იმედი“ „ოქროს არწივის“ მფლობელი, თითოეული მონაწილე ლაურეატის ნოდებითა და პირველი ადგილის მედლებით ჯილდოვდება. წარმატებას წარმატებები მოჰყვება და 2009 წელს ქალაქ თურქეთში ანსამბლი გრან-პრის მფლობელი ბრუნდება ანსამბლი საბერძნეთიდან 2010 წელს. ანსამბლის ქორეოგრაფი დავით ლალანიძე მიღწეულით როდი კმაყოფილება. მისი ანსამბლი მონაწილეობას იღებს ქორეოგრაფთა კავშირის ყველა ღონისძიებაში და ყველგან წარმატებებითა და აღიარებებით გამოირჩევა, ანსამბლი არა მარტო ვასტროლებით შემოიფარგლება, მათ არაერთხელ მოუღიათ მონაწილეობა საქველმოქმედო კონცერტებსა თუ ღონისძიებებში. სულ ახლახანს კი ხონის ბავშვთა სანიმუშო სახალხო ანსამბლ „იმედის“ ბრწყინვალე წარმატებითა და აღიარებით გავიხარეთ.

ქორეოგრაფთა კავშირის მიერ ჩატარებულ ფესტივალ „კავკასია 2021“-ში საქართვე-

ლოს ანსამბლებთან ერთად უკრაინელი თუ სხვადასხვა უცხოელი ანსამბლები ლებულობდნენ მონაწილეობას. ხონის „იმედი“ ფესტივალზე 4 ცეკვით წარსდგა: „აფხაზური“, „განდაგანა“, „რაჭული“ და

ცეკვა „თამაში“. ფესტივალის გახსნის პატივი ჩვენი ანსამბლის წევრებს ხვდათ ნილად, რაც დამეთანხმებით ფრიად დიდი პატივი და ამავედროულად უდიდესი პასუხისმგებლობაა. ანსამბლის ბრწყინვალე გამოსვლა, უსადო შესრულება გახდა სანინდარი უდიდესი გამარჯვებისა, ანსამბლმა „კავკასია 2021“-ს ნოდება მოიპოვა და პატივი ხვდა ნილად მათ მიერ შესრულებული „აფხაზური“ გახსნილიყო ფესტივალის დასკვნითი ტური. გილოცავთ ამ დიდ წარმატებასა და აღიარებას „იმედის“ წევრებს, თქვენს ქორეოგრაფებს დავით ლალანიძესა და მის არაჩვეულებრივ მეუღლეს-ელენე დვალისვილს, რომლებიც მხარდამხარ ხალხურობისა და თანამედროვეობის უსადო შერწყმით, დაულაღვი რეპეტიციებითა და ენერჯით იღვნიან, რათა ხონი და ხონელების ნიჭიერება გაიცნონ და აღიარონ!

დაიხ, ნამდვილად „ხელოვნება საყოველთაოა...ის ემოციის ჯაჭვით გადაეცემა ერთიდან მეორეს...“

კულტურის ცენტრის სცენა დაამშვენეს პაატა გულიაშვილ-



მა და ვანო იანტბელიძემ. ხონის მუნიციპალიტეტის მერიის მხარდაჭერით რეჟისორ ავთანდილ ვარსიმაშვილის სპექტაკლი „როცა ძალიან მოგენტარები“ წარმოგვიდგინეს ჩვენმა სახელოვანმა თეატრალმა, რომელთა მიერ განსახიერებულმა სახეებმა დაგვაფიქრეს ყოველდღიურ დუხტირ ცხოვრებასა და მამაშვილურ დიდ სიყვარულზე.

გაიხარეს ხონელებმა. ამ დღეებში ემოციით დატვირთული სანახაობანი ჭარბობდა და დამაგვირგვინებელი იყო საქველმოქმედო კონცერტი „ხელოვნები ხელოვნებისათვის“.

კახა ნულაიასა და სხვა ორგანიზატორების მიერ ჩატარებული ეს ღონისძიება იყო მაგალითი იმისა, რომ ხონელებს



შეგვიძლია „ჭირსა შივან გამაგრება“ და, რომ სიკეთე გადამდებია და, რომ ყველაფერი კარგად იქნება და გიორგი ლიპარტიელიანი ისევ მოგვაჯადოებს თავისი ხმით...

სიმბოლურად საღამო გიორგის ფანოლში გამარჯვებული სიმღერით გაიხსნა. თავად გიორგი ემოციებს ვერ ფარავდა, მან მადლობა გადაუხადა ხონის საზოგადოებას, მუნიციპალიტეტის მერიას, კულტურის სამსახურს, რომელთა მხარდაჭერითაც გაიმართა ეს საღამო, განსაკუთრებული მადლობა კახა ნულაიასა და ედუარდ გეგუჩაძეს, მონაწილეებს, ხონის კულტურის ცენტრის მხარდაჭერითა და საზრიანთა გუნდს „იპოლიტელები“, სტუდია „ოქროს ხმები“, ბენდს „BB“, ქართული ცეკვის სამოყვარულო სტუდიის „კლასიკა“ და ყველა მონაწილეს.

გიორგი მალე ჩვენს გვერდით დადგება, ჯანმრთელობა, სიკეთე და ღვთისწყალობა შესანიშნავ მუსიკოსს, დარწმუნებული ვართ ეს ემოციით დატვირთული, მუსიკალურ-შემოქმედებითი საღამო ბევრს დააფიქრებს და... და ყველას ღმერთმა ხელი მოუმართოს სიკეთის კეთებაში. ხელოვნები ხელოვნებისათვის არაერთგზის გაერთიანდნენ.

ლია ჩიხლაძე

ქუთაისში ჩატარდა პრესკონფერენცია

„გურიის, იმერეთისა და რაჭა-ლეჩხუმის სამოქალაქო საზოგადოების ორგანიზაციების საერთო ფორუმი საჯარო მმართველობის რეფორმის საგზაო რუკის მონიტორინგის მიზნით“ ფარგლებში- სამიზნე მუნიციპალიტეტებში (იმერეთის რეგიონში: ხონის, ვანის, თერჯოლისა და ბაღდათის მუნიციპალიტეტები; გურიის რეგიონში: ოზურგეთის და ლანჩხუთის მუნიციპალიტეტები; რაჭა-ლეჩხუმის რეგიონში: ამბროლაურის და ცაგერის მუნიციპალიტეტები) ჩატარდა მოქალაქეთა ადგილობრივი საქიროებების N2, ონლაინ კვლევა საჯარო მმართველობის რეფორმის (PAR) სამოქმედო გეგმის მონიტორინგის გაუმჯობესებისათვის.

კვლევის შედეგები კულტურულ-პუმანიტარული ფონდ „სოხუმის“, მენარმე ქალთა ფონდისა და იმერეთის მხარის მეცნიერთა კავშირ „სპექტრის“ წარმომადგენლებმა ონლაინ პრესკონფერენციაზე ურნალისიტებს გააცნეს.

კვლევა მიზნად ისახავდა საჯარო მმართველობის რეფორმის შესახებ საზოგადოების ინფორმირებულობის, ელექტრონული მომსახურების გამოყენების ხარისხის ანალიზსა და მუნიციპალიტეტებში საჯარო მმართველობის რეფორმის კონკრეტული შედეგების და გამოწვევების განსაზღვრას.

რაოდენობრივი კვლევის ფარგლებში გამოიკითხა არაკლებ 1200 რესპონდენტი, ჩატარდა 32 სიღრმისეული ინ-

ტერვიუ ადგილობრივ ექსპერტებთან და 32 ფოკუს-ჯგუფთან დისკუსიები. საქიროებების კვლევის განხორციელებაში აქტიურად იყვნენ ჩართული ადგილობრივი პარტნიორი სსო-ბის წარმომადგენლები.

კვლევის შედეგად მიღებული რეკომენდაციები და წინადადებები საფუძვლად დაედო პროექტის ფარგლებში შექმნილი სამუშაო ჯგუფების სტრატეგიებსა და სამუშაო გეგმებს თვითმმართველობებთან თანამშრომლობის გაძლიერებისა და ადვოკატირების კამპანიების

განხორციელებისათვის საჯარო მმართველობის რეფორმის ხელშეწყობის მიზნითა და მოქალაქეთა საქიროებების გათვალისწინებით.

მ ი ლ ო ც ე ს

მაცლინა ლოჩოშვილს!



...ოჯახის მეზობე შვილი, ყველაზე უმცროსი, ყველაზე სათუთი და მოსაფერებელი...

თუმცა კი წლები ჩუმად გარბიან, სიბერეს ვეჭყვი, არ შეგეცდილოს, რომ კვლავ ვუმღეროთ სიცოცხლეს მზიანს, იგი კარგია!

მონყალე ღმერთმა დედაქალაქის უმაღლესი სასწავლებლის კარი გაგიღო. მერე კეთილი და სტუმართმოყვარე რაჭველი ნადირაშვილების ოჯახი გარგუნა, სადაც „საფიციარი რძლის“ სახელი დაიმსახურე. მაღლობა შენს შეუღლებს - რომანის ყველაფრისათვის...

თქვენი ჩამოსვლა ხონში ჩვენთვის ზეიმი იყო. საახალწლოდ კი თბილისის სპორტის სასახლის „მოსანვევი ბარათები“ ჩვენი ბავშვებისთვის ყოველთვის მზად გქონდათ, რა ტკბილად იგონებენ!..

ცირკიდან დაბრუნებულებს, რომანი - რაჭული სამხარეულოს საუკეთესო მცოდნე, ისეთ სუფრას დაგვახვედრებდა, კაცი რომ ვერ ინატრებდა, იშვიათი ხილულოთი დახუნძლულს, ბავშვები რომ გაეხარებინა...

რაჭის სიყვარულმა თბილისიდან ისევ რაჭაში დაგაბრუნათ, ჩვენს შვილიშვილებსაც შეყვარეთ იგი.. ერთი სული აქვთ, როდის ჩამოვლენ.

გილოცავთ ოთხმოცი წლის ოუბილეს დაიკო! ღმერთმა მოგვამაღლა, დიდება უფაღას!

ღები: თალიკო და ლამარა ლოჩოშვილები ოჯახებით

თიკა მანუგალაძეს და ელვარდ გეგუჩაძეს!



ულამაზეს წყვილს - თიკასა და ელვარდს ვულოცავთ ოჯახის შექმნას - ბედნიერების გვირგვინის თავს დადგმას. ზღვა სიყვარული და ზღვა სიხარული თქვენ! ახალგაზრდებო, ხელახლებულსა და გულისგულს მიდებულებს სილალით, იმედით, ღვთის შენეებით გაგველოთ ნუთისოფლის ვრცელი გზა და ამ სამყაროს სამშენისად თქვენი შთამომავლობა დაგეტოვებინოთ... უფალმა გაგიძლიეროთ ფუძე, იყავით სულიერად ამაღლებულნი, მხნედ და მშვიდობით და გაგვახარეთ თქვენი არსებობითა და ნარმატებებით.

მანია ფიქრიშვილი, ბაზეთ „ხონის“ რედაქცია

ხათუნა წიგწივაძეს და ვანო ღონიაშვილს!



გილოცავთ ოჯახის შექმნას. დაგილოცავთ პირველ დადგმულ ნაბიჯებს იმ დიდი ბედნიერების გზაზე, რასაც მუღლემობა, ერთ უღელქვემ დგომა პქვია. მრავალჟამიერი ხშიანობდეს და პატარების ფივილ-ხივილი ავსებდეს თქვენს თბილ ბუდეს. მშვიდობა სულისა და მშვიდობა ქვეყნისა გვისურვებია ახალგაზრდებო. ღმერთმა გილხინოთ, გაძლიეროთ და შეგვნიოთ. თქვენს ბედნიერებას ვულოცავთ მშობლებს. იხარონ თქვენთან ერთად. ბევრი, ბევრი სიკეთით საჯსე წლები გქონოდეთ.

მანია ფიქრიშვილი, ბაზეთ „ხონის“ რედაქცია

სიბნელიდან დანახული სინათლე



ნიჭიერი ახალგაზრდა ბიჭი, რომელიც ხონელებს მინდა გავაცნო, შოთა გიორბელიძეა. იგი 1998 წლის 27 დეკემბერს ხონის მუნიციპალიტეტის სოფელ კონტუათში დაიბადა. დედა ნათია კაკაბაძეა, რომელსაც განსაკუთრებული ადგილი უჭირავს მის ცხოვრებაში, იგი მისთვის სიცოცხლის წყაროა, გულწრფელი, უანგარო სიყვარულისა და სიხარულის გამზიარებელი, საუკეთესო მეგობარი და მრჩეველი, ის არის ადამიანი, რომელიც ყოველთვის უსმენს, გვერდით უდგას და ეხმარება მას ყველა საქმის წამოწყებაში. მამა ხონელთათვის საყვარელი რაჯი

გიორბელიძეა. ჰყავს ორი წლით უმცროსი ძმა გიორგი - სტიქაროსანი, პატარა კუხის წმ. სიკოლოზის სახელობის ტაძარში. გიორგი მომღერალია, კულტურის ცენტრის ვაჟთა კვარტეტის წევრი, ვეტა ჩხენკელის სახელობის ხონის მოსწავლე ახალგაზრდობის ცენტრის თოჯინების თეატრის მსახიობი. გიორგი წერს მუსიკას ძმის მიერ დაწერილ ლექსებზე და შემდეგ თავად ასრულებს. სოციალურ ქსელში გიორგის სიმღერებს უამრავი ნახა და მოწონება აქვს. მოყვარული ძმები ერთმანეთით ამაყობენ, სწორედ მათზეა ნათქვამი: „ძმაო, ძმითა ხარ ძლიერი“-ო...

შოთას ცხოვრებაში იყო პერიოდი, როდესაც ცხოვრების მიმართ სულ სხვა შეხედულებები ჰქონდა, როგორც ყველა მისი ასაკისა, გართობაზე, სიცელქეზე და გზაბნეულ ცხოვრებაზე ფიქრობდა... ერთ მშვენიერ დღეს, მის ცხოვრებაში უცნაო გარდატეხა მოხდა: „სულ სხვა შეგრძნებით გავიღვიძე, თითქოს დავინახე რეალობა ყოველი დღისა, რომელმაც დამაფიქრა ცხოვრებაზე. ქაობში ჩაფლულს ვგავდი, არ ვარსებობდი. უცნაურმა შეგრძნებამ გადამანყვებინა შემეცვალა საკუთარი თავი. ერთ საღამოს უფაღს ვთხოვე, რაღაც ისეთი ერთგვარად ჩემთვის, რითაც საკუთარ თავს ვიპოვიდი. რწმენა იმდენად დაკარგული მქონდა მეგონა, ტაძარში სანთლები მალე დნებოდა...“

ღმერთმა ადამიანს მისცა ფიქრისა და გააზრების უნარი, ადამიანს ხომ გამოუვალა მდგომარეობა ასწავლის საკუთარი თავის სწორად მართვას. სწორედ ასე მოხდა ქაბუკის ცხოვრებაშიც... ერთი შეხედვით, მასთან საუბარში, რაც თვალში საცემია, მისი უწყველი თავმდაბლობაა.

22 წლის შოთა გიორბელიძის ლოცვა-ვედრება უფალმა შეისმინა და გზაბნეულ ბიჭს მისცა შესაძლებლობა ნიჭის გამოყენებისა და პირველი ლექსიც იქვე უცებ, თავისით მოვიდა. „მე მიყვარდი ზამთრის ღამეს, როგორც უყვარს თეთრად თოვა... მე მწყუროდი, როგორც ყვავილს გაზაფხულის ნამის ვროვა... მე ვნატრობდი გაზაფხულზე, როგორც ნატრობს მერცხალს ბუდე, შენც შეიგძენ საშუაშოდ, ამ გულში რომ დაიბუდე...“

ამის შემდეგ, თითქოს შინაგანად ყველაფრისგან გათავისუფლდა. ვადიოდა ნამები, ნუთები, საათები, დღეები, მუზა მოდიოდა და მოდიოდა თავისით, შეუწყრებლივ...

შოთა გიორბელიძის ცხოვრებაში გამოჩნდა კეთილშობილი ქალბატონი, ხონის კოლორიტი, ხონელთათვის უსაყვარლესი პიროვნება, მოკრძალებული, სათნო, ყველას გვერდით მდგომი, ნიჭისა და ნიჭიერების დამფასებელი, ხონის შემატჩიანე ქ-ნი თინა ჭელიძე, რომელმაც დაინახა შოთას ნიჭიერება, დაიბარა თავისთან სასაუბროდ და გაზეთ „ათინათის“ საშუალებით გზა გაუკვალა პოეზიის სამყაროში, რომელიც შოთასთვის ძლიერ ემოციური აღმოჩნდა. „ქ-ნი თინა, ისეთი კარგი ადამიანია, რომ მისი ყოველი სიტყვა დღემდე ჩამესმის ყურში - შეილო, ნუ გეშინია, შენ ყველაფერი გამოგივა, ყველაფერს შეძლებ! მან მომცა იმედი და ძალა სიბნელიდან დაშენება სინათლე, სადაც იყო პიროვნება, რომელსაც საკუთარი თავი შევია. მე ვთვლი, რომ ქ-ნი თინას დახმარებით ამ სასტიკ და დაუნდობელ სამყაროში საკუთარი თავი აღმოვჩინე“.

შოთას პიროვნებაში დღითიდღე მატულობს რწმენა საკუთარი თავისა, შესაძლებლობისა, იმისა, რომ მას ყველაფერი შეუძლია, ყველა დაბრკოლებას დასძლევს და ფეხზე მყარად, ამაყად დადგება თავისი ქვეყნისა, მშობლიური ხონისა და ხონელების წინაშე. ის დღეს ძალიან ამაყია, რადგან მან იცის, თუ რას ნიშნავს იყო ადამიანი, თანაც კარგი პიროვნება...

ყოველ ლექსს საკუთარი ისტორია აქვს. ამბობს, რომ კონკრეტული ადრესატი არ ჰყავს, ვისთვისაც წერს, ის მხოლოდ მის წარმოსახვაშია.

შოთა გიორბელიძე 200-ზე მეტი ლექსის ავტორია. მისი საყვარელი პოეტი ვალაკტიონ ტაბიძეა, მწერალი - რუსი უკვდავი რომანისტი და ესეისტი - თეოდორ დოსტოვესკი.

შოთას სურვილი აქვს გამოსცეს საკუთარი ლექსების კრებულები, ვიმედოვნებთ, მას ამ საქმეში გვერდით მდგომნი აღმოუჩნდებიან...

ჩვენ ისლა დავგრძენია წარმატებები ვუსურვოთ მას. ჩვენი გაზეთის მკითხველს კი ვთავაზობთ მის რამდენიმე ლექსს. სალომე ქალბატონი

ჩემი ხონი

ხონის ქუჩებს შეუცვლია ფერი, ხის ფოთლებში შენამული ქარბობს, ლამაზია თითქმის ყველაფერი, სატრფოსავით სასურველი, სანდო. გრილი სით უდარდელია მღერის.. სადარდელი არავის არ აქვსო. პოეტს თვალზე შემოიბია ცრემლი ღამენათევ ლექსის სტროფებს აშრობს. შენატრება გაზაფხულის მტვერი, ყვავილების აფეთქებას ნატრობს, მშობლიური სურნელი და ფერი შემოდგომის მარანივით ათრობს.

ის სიყვარული

ვუყურებ ლამაზ ნისლიან თოვას, გრძობა მიწნდება თანაც ღვთიური. გაუძლებს ათას გრძობათა ბრძოლას, ეს სიყვარული მარადიული. დადის ქუჩაში დრო როგორც მკვლელი,

და სიხარულსაც თალხი აცვია, შთაგონება თვალები შენი, როგორც რაფაელ სანტის გრაცია. მომნატრებია სიმკრთალე მთვარის, სული სიხარისებრ ანათროლია, ადამიანში ან ღმერთი არის, ან დემონია, ასე მგონია. ფიქტებს გაეანდე - როგორ მიყვარხარ, როგორ მღერიან შენზე ფიქრები, დღეს შექსპირი ვარ და შენ სონეტის, ყოველი სიტყვის შემდეგ იქნები. დღეს გაზაფხულის დღეები გადის, ყინვაც გადნება ატმის კვირტებში, შენი აჩრდილი ქუჩებში დადის, მე კი გდარაჯობ ახლო სივრცეში.

მაგონდები

ახლა ისევ მაგონდები, მონატრებით, თრთოლვით, როგორც ნაზი გაზაფხული, ყვავილების თოვლი. დაემალათ მზის სხივები ღრუბლებივით ფარდებს, გუშინ რაც კი მანამებდა, ნაკლებად მადარდებს.

მძიმე ვახდა დროება და ვიხსენებ შენს თვალებს, სისხლში დამდის მგოსნობა და მივეკუთნე ღამეს. მოვიპარავ, ალბათ, ისევ მე შენს ღამაზე თვალებს, უსასრულოდ შეგიყვარებ, როგორც „მე და ღამეს“.

ჩემი ქალბატონო

ბინდი მოჰფენია ღამეს ქალბატონო.. ცაზე ვარსკვლავიც კი აღარ შერჩენია, ყოველივე ქვეყნად, რაც კი დახატულა, შენი სულის მსგავსად ყველა შედევრია. ჩემში სიგიჟესთან თითქმის ბრძოლა მიწევს, ძალა აღარა მაქვს, ხმა რომ გაგავგონო.. მე კი დიალოგი მქონდა სიღინჯესთან, - თუმცა ვიჟად ვრჩები, რალა უნდა მთხოვო? სადღაც ახლო-მახლო ცივი წვიმებია, სადღაც ილიმიან თეთრი ყვავილები, ჩემში ქალბატონო ისევ ირევთან, როგორც უწყველოდ, ცივი ამინდები.

წარმატებული გოგონები – ქალთა ფეხბურთში



10 ივლისს ქ. ლანჩხუთში, ფეხბურთის ფედერაციის აკადემიის ბაზაზე – „გვიმბალაურში“ ჩატარდა დასაჯული საქართველოს რეგიონული ჩემპიონატი 7X7 ფეხბურთის ასოციაციის ეგიდით „WPS“ + „MASTER LEAGUE“ გოგონათა შორის.

ზემოხსენებულ ტურნირში მონაწილეობა მიიღო ხონის კომპლექსური სასპორტო სკოლის ქალთა გუნდმა „ხონის იმერეთმა“, რომელიც დაკომპლექტებულია სოფელ გორდისა და ქალაქის მე-4 საჯარო სკოლის მოსწავლე გოგონებით: ანი კინურაშვილი, ნინი სულაბერიძე, მაგდა ჯიშკარიანი, ნათია

სულაბერიძე, მანა ბობოხიძე, თამარ ახალია, თათია აბზიანიძე, ანი გოდერიძე, ანა ჯიშკარიანი, თამარ ფანცულაია, იზაბელა ლეჟავა, რომლებიც შესარჩევ ვაკუუმში მოხედნენ ბათუმის, მარტვილისა და ოზურგეთის გოგონათა გუნდებს შორის, სადაც წარმატებით დასძლიეს ვაკუუმური ეტაპი და დაიკავეს პირველი ადგილი.

„ხონის იმერეთი“ – ს გოგონებმა დასაჯული საქართველოს ჩემპიონატი გამარჯვება მოიპოვეს. მათ დასკვნით ეტაპზე დაამარცხეს საჩხერის „ქარიშხალი“ შპს, თერჯოლის „საპოვნელა“ ბ.ს და გახდნენ დასაჯული საქართველოს ჩემპიონები.

ხონელი გოგონები მეორე ადგილზე ვახულ ბათუმის „თოლიასთან“ ერთად თბილისში მონაწილეობას მიიღებენ ალმოსაველეთ საქართველოს ჩემპიონატის გამოსაველენ ოთხთა ტურნირში.

ხონის გოგონათა გუნდი თანადგომისთვის მადლიერებას გამოხატავს მანანა გელენიძის, ირინა ფანცულაიას, არსენ უგულავას, ლევან სულაბერიძის, თამაზ მეძველიასა და ლუკა მანგაძის მიმართ, რომლებიც საშუალო პერიოდის განმავლობაში აქტიურად ეხმარებოდნენ გოგონებს მომზადებაში, ასევე თანადგომისა და ფინანსური მხარდაჭერისთვის გოგონათა გუნდი დიდ მადლობას უხდის ხონის სასპორტო სკოლის ადმინისტრაციას.

ქალები, კიდევ ერთხელ ამსხვრევენ სპორტის – რომ „ფეხბურთი სპორტზე უფრო მეტია“. საქართველოში დღეს კაცთა ფეხბურთი მოიკოჭლებს, თუმცა თამამად შეიძლება ვაღიაროთ, რომ ქალები აქტიურები, წარმატებულები და ღირსეულები არიან ფეხბურთში. ქალები მუდამ ერთ მუშტად არიან შეჯარულნი ყველაფერში და, ვიმედოვნებ, რომ ეს კიდევ მრავალი წელი გაგრძელდება.

წარმატებებს ვისურვებთ, ჩემო გოგონებო!

ძალოსნების მორიგი გამარჯვება



თბილისის ვაკის ძალოსნობის დარბაზში სტარტი აიღო თბილისის ლია პირველობამ 15 წლამდე ძალოსნთა შორის. შეჯიბრი სამ დღეს გრძელდებოდა. ხონელმა ძალოსნებმა ირაკლი ჯანაშიამ (34 კგ კატეგორიაში), შოთა კაკაბაძემ (38 კგ კატეგორიაში), ბესო რურუამ (42 კგ კატეგორიაში), საბა ჩიხლაძემ (67 კგ კატეგორიაში) და შორენა კვირიტიძემ (33 კგ კატეგორიაში) მიიღეს მონაწილეობა (მწვრთნელი აკაკი კაკაბაძე). ტურნირი საქართველოს მასშტაბით ტარდებოდა. 42 კგ-კატეგორიაში პირველი ადგილი ბესო რურუამ 41/54/95 დაიკავა, ხოლო მე-3 ადგილი 33 კგ-კატეგორიაში შორენა კვირიტიძემ.

26-27-28 ივლისს დუშეთში ტარდება საქართველოს ჩემპიონატი ძალოსნობაში, სადაც მონაწილეობას მიიღებს საქართველოს რეკორდსმენი მარიამ მურღვლიანი, რომელიც 17 აგვისტოს მიემგზავრება ევროპის ჩემპიონატზე პოლონეთში.

წარმატებები ხონელ ძალოსნებსა და მათ მწვრთნელს. სპორტული მასალები მოამზადა სალომი კალატოზმა

კეთილმოსაგონრად დაგვრჩება დალი ბენიკა-ჯალალნიას ხსოვნას!



ჩვენო მოფუსფუსე დალი, მართალია, ნლეზია ჩვენთან აღარ მუშაობდი, მაგრამ მუდამ გვახსოვდი, გვენატრებოდი, მუდამ თბილად გიგონებდით ჩვენი რედაქციის საქმეთა მმართველს, კეთილსინდისიერ, საქმის მცოდნე, ერთგულ ადამიანს.

უბრალო, უშუალო, თავმდაბალი, დაკისრებული მოვალეობის უბადლო შემსრულებელი იყავი და ოთხ ათეულ წელზე მეტი პირნათლად

ემსახურე საყვარელ საქმეს. შენმა უანგარო შრომამ, ცოდნამ და გამოცდილებამ განაპირობა ოჯახურ საქმიანობასთან სამსახურებრივი დავალებების სამაგალითოდ შერწყმა. ჩვენს შვილებზე მზრუნველო და მოამაგე დალი მარად კეთილ მოსაგონრად დაგვრჩება შენთან ერთად გავლილი ის ლამაზი წლები.

იმედით შეპყრუებდი შენს ლელას, შვილიშვილებს – თეონასა და გიორგის, შვილთაშვილებს. გახარებდა მათი კარგად ყოფნა, შენს ერთადერთ ქალიშვილზე ნიადაგ ფიქრობდი, უსაზღვროდ გვენატრებოდა და მოუთმენლად გაპყრუებდი იმ გზას, საიდანაც უნდა დაბრუნებულიყო შორეულ იტალიაში ნასული ლელა. მაგრამ არ დაგ-

ცალდა, შვილის უნახავად ნახვედი იმიერში. მეუღლის ჯემალის გარდაცვალებამ ცრემლები და ღრმა მწუხარება დაგიტოვა, მძიმე ავადმყოფობამ დაგძლია და სარეცელს მიგაჯაჭვა.

ყოველ შენს დაბადების დღეს შენთან ერთად აღვნიშნავდით, გილოცავდით, მხოლოდ შარშან ვერ მოგილოცეთ სათანადოდ კოვიდის გამო, წელს კი სწორედ შენი დაბადების დღეს, 25 მაისს, 75 წლის ასაკში მარადიული სასუფეველი დაიმკვიდრე იმიერში.

შენ ნახვედი დალი და დაგვიტოვე დიდი სევდა და მონატრება. უფალს ებარებოდე, ღმერთმა ნათელში გამყოფოს ჩვენი დაუვინყარო ქალბატონო.

ქეთევან ბახტაძე, ბაზეთ „სონის“ რედაქტორი

კინზხის საჯარო სკოლის დირექტორი, პედაგოგიკური და ტექნიკური პერსონალი თანაუგრძობენ ამავე სკოლის პედაგოგს დავით ჩხეიძეს მამიდის **თინა ჩხეიძის** გარდაცვალების გამო.

უთქვენოდ ცხოვრება დასანანი... პავლიკა კოვზირიძისა და თინიკო უზულავას ბახსენება



უთქვენოდ ცხოვრება მართლაც რომ დასანანი და გულდასაწყვეტია ჩემო პავლიკა და თინიკო.

წელიწადნახევრის წინ თამარობის დღესასწაულზე უბედურება გრიგალივით დაგვატეხე ჩემო ყველაზე ალაღმართალო მამიდაშვილო პავლიკა. 33 წელი გისრულდებოდა, თუმცა ავბედითმა ავარიამ შეინირა შენი სიცოცხლე. 10 ივნისს შეუსრულებული 34 წელი შენს საფლავზე მოგილოცეთ, შენ კი იქედან, როგორც, გჩვევია ხოლმე მომღიძარი და მომციციმე თვალებით შემოგვეყურებდი. ალბათ, ძალიან გიხაროდა ყველა შენი ნათესავის, მეგობრისა თუ ნაცნობის ერთად ნახვა...

პავლიკა, დარწმუნებული ვარ ზეციური საქართველოდან გადმოგვეყურებ და გახარებს თითოეული ჩვენგანის წარმატება. ვიცი, ბედნიერი ხარ, რადგანაც წლების განმავლობაში უნახავ მამას – პეტრეს შეხვედი და იქ ერთად, ვინ იცის, რამდენ რამეზე ისაუბრეთ, ალბათ, მამა გეფერებდა და გტუქსავს კიდევ ასე ადრინადად რომ მიეხლე მას...

თინი, ჩემო მოსიყვარულე, უბოროტო მამიდა. მძიმე ავადმყოფობამ სამი წლის წინ გამოგვაცალა შენი თავი ხელიდან. ბევრი იბრძოლე სიცოცხლისთვის. თუმცა, უძლური აღმოჩნდი. მძიმე სენმა მთასავით გოგოს მოგერია და ადრინადად ნაგიყვანა იმქვეყნად.

მამიდა, 10 ივნისი შენი დაბადების დღეა, 51 წელი შეგისრულდებოდა, გილოცავ! საუფლოში ეს დღე მშობლებთან ბორის ბაბუასთან და ცისანა ბებიასთან ერთად აღნიშნე ალბათ.

პავლიკა და თინიკო თქვენი დაკარგვით გამოწვეული ჭრილობები ისევ ახალივითაა თითოეული ჩვენგანისათვის. თქვენ დეიდა და დისშვილი შეუცნობელი სამყაროს მარადიული მკვიდრნი გახდით. უფალს ებარებოდეთ.

ვერ მოგვინებოდა თქვენი იმიერში გადასახლება. განგებამ, არ დაგაცალათ, დაგვიტოვეთ გაუნელებელი მწუხარება და მუდმივი ცრემლი...

ჩვენ თქვენს საფლავზე ყოველთვის მოვალთ, მოგიტანთ ყვავილებს, სანთლებს დაგინთებთ და ღმერთს შევავედრებთ თქვენს ლამაზ და სპეტაკ სულებს.

სალომი კალატოზი

<p>რედაქტორი ბაია ფიქრინიშვილი ტელ: 577397468</p>	<p>სარედაქციო კოლეგია ნანა ფანცულაია (პასუხისმგებელი მდივანი) ლია ჩიხლაძე (პროპაგანდა)</p>	<p>ა(ა)ო საინფორმაციო ცენტრი „სონი“ დირექტორი ქეთევან ბახტაძე რეგისტრირებულია სსიპ საჯარო რეესტრის ეროვნული სააგენტოს მიერ. ს/კ 444957913 ელფოსტა: xoussainformacio centri@yahoo.com</p>	<p>რედაქციის მისამართი: პოლიკარბე კაკაბაძის ქ. 25წ. საგვარამუდოს შესობა. II სართული.</p>	<p>გაზეთი აიწყო, დაკაბადონდა და ოფსეტური წესით დაბეჭდა შპს „სონი“ 36-30 ლიხაინური თბა პაპაძემ ოპერატორი სსიპი პალატოზი ქუთაისი, თბილისი ქუჩების ვაშლ. 33 ტელ: 22-37-11, 22-34-99.</p>	<p>გაზეთი გამოდის თვეში ორჯერ ფასი 50 თბლ</p>
--	--	---	--	---	---